

OPUSCULUM DÉCIMUM.

BENEDICTIO CEREI.

II. Dignum et justum est. Vere dignum et justum est, ut principe loco fores beatæ noctis, adhibito præsentî ministerio, digna quasi clave reserentur : ut nobilis nuntius vitæ lætetur adventam, ut præconis merito secutura ponderentur, sacris fidem mysteriis venerandus præcessor accommodet. Justum est ut proximitatem salutaris aquæ flamma manifestet : elementorum diversitas in peregrina pace conveniat : lympharum in promptu esse remedia sacer ignis ostendat : agnoscat non esse naturæ, sed redemptionis, quod concordat unda cum lumine. Lætetur in operibus suis fabricator ille cœlestis, cum benedicit ipse quod tribuit : cum illud quod secreti sui producit origine, nobilitat sacramento. Intelligat linguæ nostræ ministerio specialem quam nobis concessit distantiam. Mancipetur laudibus ejus quidquid a cæteris animalibus jussit in homine esse præstantius. Quia optimi conditoris aperta sunt beneficia ; et ira a pietate non discrepat, quando et artem nos supplicandi docuit, et suis muneribus vult placari. Ipse enim hominem sibi templi vice dædala provisione formavit. Ipse penetralia cordis nostri sancto eruderata pandit introitu, nisi per propositum libertatis sœdo obstruantur interna contagio. Quare, universis rerum liquet arcibus, vitalem per sapientiam factoris machinam, nisi per suum studium, non perire. Qui nos et ad meliora formavit, et quibus itineribus salus peteretur ostendit. Cum enim ex humo hominem fingeret ; cum terra victuram migraret in formam ; cum putre solum novam transiret in faciem ; cum insufflatione spiritus sui moverentur arva vestigiis, et tellus respiceret possessorem ex propriis abstractum sinibus inopina dote præstantem, habentem quod ipsa quæ mater putabatur esse, non dederat ; cum referret gloriam nobilitata per sobolem ; imperfectio erat, si actuum callem non suo jure disponeret. Quotidianus tamen, Domine, beneficiorum tuorum successus munera seniora transeendit, et æstimatione sequentium vetusta superantur. Ille enim perpetuam destinatus ad vitam, ille de parente limo cœli civis effectus, ad originem voluntario errore detrusus est. Et quia dum liceret, noluit sectari meliora, sublimitatem perdidit quam feliciter degenerans dono conditoris acceperat, et ad prospiciam

A duce culpa revocatus exilium flevit. Hunc nisi omnipotentia tua, Domine, regeneraret perditum, parum posset prodesse quod feceras ; et nisi opem ferret et numero et prosperitate fecunda nativitas, prima in qua mortem error peperit, non juvaret. Postremo, nihil esset quod ad fabricam nostram materiam humus præbuit, nisi unda succurreret : unicum nobis sacramenti hujus solatium contulisti, quod aquæ diluunt peccata telluris. Ergo jam typus recedat ; et qui imaginibus annuntiaverunt sequentia, conticescant. In veritate tenemus quidquid colorata legis umbra promiserat. Tempus est quo corpora nostra, vel animæ Redemptori Christo feriato murene dedicentur : quo salus per vulnera non quaeratur : quo sacerdotis dextera lanista opus abjuret : quo consecrationem impleat fides, lympa, signaculum : quo humanum genus unde decidit, fons redeat. In hujus ergo suspiciendæ noctis officio, venerandis compactam elementis facem tibi, Domine, mancipamus : in qua trium copula munerum primorum de impari numero complacebit : quæ quod gratis Deo veniat auctoribus, non habetur incertum : suum, quod de fetibus fluminum accedunt nutrimenta flammarum : aliud quod apum tribuit intemerata fecunditas, in quarum partibus nulla patitur damna virginitas : ignis etiam cœlo infusus adhibetur. Redemptor enim proprio aquas dedicavit baptismate : integritatem diligit quam et nascendo in matre servavit : ut a propheta posset inspici, innocui corpus suscepit incendii, cum frondibus in rabo crepitantibus nulla frutex detrimenta sentiret ; cum arida pabulum flammis, dum lamberentur, ligna non fierent. Ergo proprium tibi est, Domine, quidquid in hoc cereo servorum tuorum præparavit obsequium. Serenis in isto respice oculis, quod contulit cœlum, fluentia, pudicitia. Tu ad tribuendam benedictionem evocatus ministerio humani sermonis, inlabere. Tu resurrectionis tuæ tempore, quo vernat anni reviviscentis infantia, sumptam ex hoc contra procellas vel omnes incursum, fac dimittere particulam : ut sacerdotis nostri votiva omnia, vel totius cleri ejus incoluntate concessa, ubertatem terrarum cum actuum innocentia et prosperitate concedas.